



UNIVERSITÄTS-
BIBLIOTHEK
PADERBORN

**Theses Theologicæ De Gratia, Libero Arbitrio,
Prædestinatione, &c. In Qvibus Doctrina Theologorum
Societatis Jesu contra Corn. Jansenii [Iansenii]
Augustinum Defenditur**

Derkennis, Ignatius

Antwerpiae, 1641

Art. XVII. An amor concupiscentiæ respectu Dei sit in vitiosus?

[urn:nbn:de:hbz:466:1-73715](https://nbn-resolving.org/urn:nbn:de:hbz:466:1-73715)

ARTICVLVS XVII

An amor concupiscentiæ respectu Dei sit vitiosus:

IANSENIVS.

THEOLOGI SOCIET.

I. **C**oncupiscentia respectu Dei amor vitiosus est: nam ille semper quidquid concupiscit, hoc vltimò ad ipsum amantem refert. Tom. 3. de stat. nat. lapsæ lib. 3. c. 20. col. 525.

II. Spem Christianam deprimunt, qui eam subtrahunt charitati: & quodam sinceritatis adulterio, puritatem diuinæ, & gratiæ charitatis, in concupiscentia amorem, aut in mercenariæ cupiditatis fœditatem vertunt. Tom. 3. lib. 5. c. 9. col. 526.

a To. 3. lib. 5. cap. 10. col. 530.

b ibid. col. 531.

III. a Absit, ut ita Christianus propter retributionem operetur, ipsum Deum mercedem tamquam sibi vtilem expectando. b Ex quo amore nascitur, ut etiam penas timeat. Sed sicut ex illo timore nunquam iustitiam Dei operabitur; ita etiam ex illo concupiscentia amore, nunquam iustitia diligitur.

Consonant Hæretici nostri temporis.

LUTHERVS in assertionibus articulorum contra Bullam Leonis X. ass. 6. CALVINVS in Antidoto Conc. Trid. sess. 6. in can. 25. & 31. BVGAVRVS DE MONTE FALCONE in Catalaunia damnatus fuit ob hanc doctrinam, ut refert Bernardus à Luxemburgo in Catalogo hæreticorum.

I. **N**on omne quod minus perfectum est, continuo vitiosum est. Et si igitur actus quo Deum, ut nobis bonum, desideramus, à perfectione charitatis deficiat; non idem in vitium numerari debet, cum cetera obiectum honestum habeat.

II. Spem Christianam intra obiecti sui proprios limites relinquunt, qui eam à charitatis motu separant: nec adulterant eam, aut aliquâ fœditate inficiunt; sed legitimo ac connaturali nitore exornant; ut perfectioni charitatis animum præparet.

III. a Pari passu procedunt: timor amissionis æternæ beatitudinis, aut incurrendi gehennam, & amor quo beatitudo, ut merces operis meritorij, desideratur. b Quoniam uti do- lor, & detestatio peccati, ex illo amore natus utilis ac bonus est, & peccatum omne excludere potest; ita æquè ex hoc amore, peccatum omne vitari potest, & iustitia diligi.

SCRIPTURÆ

Pro doctrina Societatis contra Iansenium.

PSAL. 118. v. 112. Inclinaui cor meum, ad faciendas iustificationes tuas in æternum, propter retributionem.

PROVERB. 11. v. 18. Seminanti autem iustitiam, merces fidelis.

ECCL. 12. v. 2. Benefac iusto, & inuenies retributionem magnam: & si non ab ipso, certe à Domino.

1. COR. 9. v. 25. Omnis qui in agone contendit, ab omnibus se abstinere: & illi quidem vitiosam corruptibilem coronam accipiant, nos autem incorruptam.

COLOSS. 3. v. 24. Quodcumque facitis, ex animo operamini, sicut Domino, & non hominibus: scientes, quod à Domino accipietis retributionem hereditatis.

HEBR. 11. v. 25. Maiores diuitias aestimans thesauro Ægyptiorum, improprium Christi aspicebat enim in remuneratorem.

1. Pt.

1. PETRI 5. v. 4. Cùm apparuerit princeps pastorum, percipietis immarcescibilem gloriæ coronam.
APOC. 2. v. 10. Esto fidelis vsque ad mortem; & dabo tibi coronam vitæ.

C O N C I L I A

Pro doctrina Societatis contra Iansenium.

TRIDENTINVM *sess. 6. Can. 31.* Si quis dixerit: iustificatum peccare, dum intuitu aternæ mercedis bene operatur, anathema sit.

IDEM *sess. 14. Can. 51.* Si quis dixerit: eam contritionem, quæ paratur per discussionem, collectionem, & detestationem peccatorum, ponderando amissionem aternæ beatitudinis... non esse verum, & vilem dolorem... anathema sit.

SS. P A T R E S

Pro doctrina Societatis contra Iansenium.

CYPRIANVS *lib. de exhortat. Martyrij cap. vlt.* Hæc oportet mente, & cogitatione complecti; hæc die, ac nocte meditari: si talem persecutio inuenit Dei militem, vinci non potest, virtus ad præmium prompta.

HIERONYMVS *Psal. 118. v. 112.* Propter retributionem vitæ aternæ, vt illam merear percipere.

AVGVSTINVS *in Psal. 120.* Noli facere (*opus bonum*) nisi propter vitam aternam: ideo fac, & securus facies.

Vide apud Vegam in Concil. Trident. *lib. 11. cap. 40.* alia loca Cypriani, Hieronymi, Augustini, Chryostomi, Hilarij, Anselmi, Theophylacti.

DD. SCHOLASTICI

Pro doctrina Societatis contra Iansenium.

D. THOMAS *Opusc. de dilect. cap. 22.* Voluntate Deum diligis dilectione concupiscentiæ, cùm ipsum vis: hæc est bona voluntas, imò optima, quæ vult summum bonum. Item dilectione amicitæ voluntatem tuam suæ conformas; quia amicorum est: idem velle & nolle.

D. THOMÆ consentiunt passim Interpretes *in Psal. 118.* Genebrardus, Agellius, Ludolphus, Pelbertus, Pulscus, Petrus de Herentaels. Item Vega supra cap. 39. Nauarrus in Manuali *cap. 17. n. 209.* & alij Scholastici communiter.

DD. S C H O L A S T I C I

Pro doctrina Societatis contra Iansenium.

CORN. IANSENIUS Episcopus Gandens. *in Psalm. 118. v. 112.* Itaque animum meum à caducis huius sæculi rebus abstractum, accommodaui; vt opere præstem iustissima præcepta tua, toto tempore vitæ meæ: idque vt consequar eam mercedem, quæ in lege tua promissa est, seruantibus mandata tua.

THOMAS STAPLETONVS *tom. 2. lib. 10. cap. 13.* Intuitus aternæ mercedis, multis de causis non est mercenarius: quia mercenarius, sic mercedem principaliter intuetur, vt non solum eâ sublatâ nihil faceret; sed etiam propter ipsam mercedem solum, & potissimum id faceret.

RVARDVS TAPPERVS *art. 8. ad argumenta Bucerij §. Cui responder.* Possumus ante iustificationem, Deum amare: & ex hoc amore, peccata nostra odisse.

Nimirum vult ad Penitentiam, vt ibi expressè tradit, adeoq; intelligit de amore concupiscentiæ, respectu Dei.

IOANNES MALDERVS Episcopus Antwerp. *2. 2. q. 17. art. 2. sect. 3.* Amor concupiscentiæ (*Dei*) in quâ radicatur actus spei, non oritur ex amore benevolentæ naturalis; sed supernaturali, quo homo vult sibi vitam aternam.

Si amor concupiscentiæ Dei supernaturalis est, certè non est vitiosus.

IOANNES VVIGGERS *2. 2. q. 17. de spe art. 2. Notab. 3.* Vnde & vocari solet amor Dei concupiscentiæ, qui & ipse honestus, & Deo dignus, ac supernaturalis.